

Sexmol schlecht<sup>1)</sup> do Gloggo-Hammor  
eotz vom Tuorm hear witt<sup>2)</sup>,  
noche tüont do Klang<sup>3)</sup> — tüf und lang.  
Uf om Pfulfo<sup>4)</sup> i-n-or Kammor  
krank a Muottor litt,  
ganz aluo am Stearbo zuoche<sup>5)</sup>.  
Bloß do Stiofol-Hund, dear buoche<sup>6)</sup>,  
stoht do grado dionn im Gado<sup>7)</sup>.

„Gond!“ heat d' Muottor gseit zun Lütto,  
hüt am Moargo früh,  
„lond mi no aluo<sup>8)</sup>, tuond dorzuo<sup>9)</sup>,  
daß or siond im Feald bizitto,  
gond do Hanf ga nio!“  
D' Muottor heat no gseit, mit Fröüda  
denk se a di schüono Heida<sup>10)</sup>,  
jeda Böüo<sup>11)</sup> muß uos fröüo.

Und as heat drü Ougsto-Töüor<sup>12)</sup>  
kio i Bearg und Tal,  
d' Sunno schint hüt schüo wi no nio,  
trouat om ko Wölkle zöü-or,  
wär as no sa schmal.  
Wenn do Hanf denn afocht stübo,  
p'Feia<sup>13)</sup> numma dra wend blibo,  
ka ma-n lücho<sup>14)</sup>, ussar zücho.

Stoh lo tuot ma bloß no Tregol<sup>15)</sup>,  
leit do Hanf uf Trätt<sup>16)</sup>  
oder denn nach Hand ou ufs Land<sup>17)</sup>;  
dötta litt ar i-n-or Regol.  
eng as wi a Plätt<sup>18)</sup>.  
Eabbas Buro, 's meist di groBo<sup>19)</sup>,  
tuond di Fiommla<sup>20)</sup>-n-ou i d' RoBo<sup>21)</sup>  
Glegg uf Gleggo<sup>22)</sup> iche leggo. —

Muottors Lütt siond hüt i Wearbo  
ou do Hanf ga nio,  
Buobo beid siond hüt ou no mit.  
D' Muottor ist dahuom am Stearbo,